



**De Iustitia Et Iure ceterisq[ue] Virtutibus Cardinalibus**

**Lessius, Leonardus**

**Antverpiæ, 1632**

Vtrum Principis auctoritate poſit erigi in aliquo oppido pro communitate  
Mons Pietatis, in quo à mutuatariis exigatur non ſolùm quantum præcisè  
necessarium ad expensas ministrorum Montis, sed etiam ...

---

[urn:nbn:de:hbz:466:1-72459](#)

## Q V A E S T I O P R I M A.

Vtrum Principis auctoritate possit erigi in aliquo oppido pro communitate Mons Pietatis, in quo à mutuariis exigatur non solum quantum præcisè necessarium ad expensas ministrorum Montis, sed etiam quantum ulterius necessarium ad solutionem pensionum annuarum, quibus grauatur Mons pro pecunia ad censem accepta.

*Sententia  
quorum-  
dam DD.  
negat.  
Eorum ar-  
gumenta,*



**Q**VIDAM putant, talem Montem institui non posse, nec amplius posse exigi quam præcisè necessarium sit ad impensas ministrorum. Primi probant, quia Leo X. in Concilio Lateranensi scilicet 10. ait:

*In Montibus Pietatis pro eorum impensis & indemnitate aliquid moderatum ad solas ministrorum impensas, & aliarum rerum ad illorum conservacionem pertinentium, pro eorum indemnitate dumtaxat, ultra fortem absque lucro eorumdem Montium, recipitur. Quibus verbis volunt significari, in nullo Monte Pietatis posse quidquam accipi nisi pro ministrorum vietū & vestitu, & aliis quae ad ministrorum indemnitatē pertinent, illa enim verba, Et aliarum rerum ad illorum conservacionem pertinentium, pro eorum indemnitate, non tangunt nec respiciunt (ut ipsi dicunt) res, conservacionem, & indemnitatē Montium, sed ministrorum qui proximè prænominati sunt: quorum vietus designatur nomine impensarum; vestitus vero & qua eō pertinent, nomine aliarum rerum.*

Confir. Primi, quia hunc sensum requirit, quod in textu dicitur, *ad solas ministrorum impensas, &c.* Nam si ad Montis eumā rerumque ipsius conservacionem, iam non ad solas ministrorum impensas, nec ad eorumdem indemnitatē, prout dixit Pontifex, *dumtaxat.*

Confir. Secundò, quia circa finem Diplomatici nulla aliarum rerum facta mentione dicitur, *Perfectius & sanctius fore, si qui erigat Montes, aliquos census assignare, quibus si non omnino, saltem media ex parte huismodi Montium ministrorum soluantur impensa, &c.* id enim argumento est, superiora de solis ministrorum impendijs, rebus, indemnitate procedere, alioquin enim, ne semiple ea efficitur, dicendum fuisset, *quibus media ex parte huismodi Montium ministrorum, aliarumque rerum ad Montes redditum, soluantur impensa.* Ex quibus inferunt, nihil accipi posse ad subleuanda onera Montium, v.g. reparacionem, munitionem, censuum, ac redditum; quia haec ministrorum impensas eorumque res non ingrediuntur.

Secundò probant, quia vetuit Pontifex ad lucrum Montis supra fortem quidquam accipi à mutuariis; atqui pecunia à Monte ad redditus accepta, reducitur ad lucrum Montis, quia per ipsum augetur & increscit Montis acerius. Ergo non potest Mons quidquam accipere à mutuariis pro solutione pensionis annuae reddituum.

Tertiò probant, quia Summus Pontifex in illa Bulla veteri instituti Montem Pietatis absque auctoritate Sedis Apostolicae: atqui Mons de quo agitur, non habet hanc approbationem, quia pe-

tita non est; ergo etiam hac ex parte est illicitus.

Haec fere sunt rationes prioris scripti illorum Doctorum qui Montem improbant.

Verum his non obstantibus amplectenda nobis videtur pars affirmans, quam Vetus & Ratio manifesta confirmat. Nam in Italia dicuntur emi census super Montibus, quorum pensiones annuae soluantur ex taxa mutuariis constituta, sicut & impensae ministrorum.

Eamdem doctrinam tradidi & probavi in Operre de Iustitia & Iure, quod à doctissimis viris in Italia, Hispania, & Belgio fuit examinatum & probatum: nec unquam audiui eam haec tenus fuisse reprehensam, etiam si octies diuersis in locis fuerit Opus istud excusum.

Ratio istius doctrinæ est, Quia quicumque gerit negotium aliorum, potest se seruare indemnum, præserim si id faciat publica auctoritate. Atque Praefectus Montis accipiendo pecuniam sub one re census ad mutuandum cuiilibet è communitate id perenti, negotium gerit alterius, nempe totius communitatis, & ex mandato illius agere censetur: non enim in suam utilitatem illam accipit, sed in commodum totius communitatis, & omnium qui pecunia in illa communitate eguerint. Ergo communitas debet illum seruare indemnum, soluendo annuas pensiones illorum reddituum. Cumque illa pecunia non ita accepta fuerit in commodum communitatis, ut directè & primò prodebet toti communitat, sed omnibus qui ex illa communitate futuri essent in aliqua pecuniæ parata inopia, (qua cuiilibet obtinere potest;) æquum erat, ut non ipsa communitas tota, sed illi soli qui mutuum essent petituri, ad hanc solutionem concurrent; sicut etiam hi soli concurrunt ad stipendia ministrorum.

Confirmatur; Quia certissimum est, in Monte posse accipi à mutuariis quantum necesse est ad impensas ministrorum: id enim definitum est à Leone X. quod intellige, nisi alia sit aliqua fundatio, unde suppetant hi sumptus in totum, vel in partem. Cuius rei non est alia ratio, quam quod ministri isti sint constituti in commodum mutuariorum, & in nullum alium finem: ergo simili ter poterit accipi à mutuariis, quantum necesse est ad soluendas pensiones reddituum, cum hi in solum commodum ipsorum sint constituti, qui enim commodum sentit, etiam onus sentire debet, ut Regula Iuris decernit. quia Regula Summi Pontifices, qui secundam sententiam in Bulla positam approbarunt, moti videntur; cum nulla alia ratio adferatur. Hęc autem Regula sicut locum habet in stipendiis ministrorum, ita etiam in solutione pensionum: sicut enim debent contribuere

Y y 3 ad

*Secundum  
argumen-  
tum pars  
negantia.*

*Tertium  
argumen-  
tum.*

ad stipendia ministrorum, quia per illorum ministerium commodum percipiunt; ita etiam debent contribuere ad solutionem pensionum reddituum, quia ex pecunia illorum percipiunt communis, vnde frustra quis hic dicrum imaginetur.

<sup>7</sup>  
Probatur  
conclusio  
ex verbis  
Bulla.

Idem manifeste conuinicit ex Bulle verbis, quae non solum concedit accipi quod est necessarium ad impensas ministrorum, sed etiam quidquid est necessarium ad impensas rerum omnium, quae necessariae ad illorum Montium conseruationem, atque solutio pensionum eorum redditum, quibus Mons grauatur, est necessaria ad conseruationem Montium; quia sine redditibus, ut supponitur, pecunia haberi nequit, quae mutuo detur; nec ipse Mons potest existere, saltem isti initij, donec aliqui prius legatis vel donationibus illos locupletent.

8

Id ex verbis Bullæ conuinicit pater. Postquam enim Ponifex retulisset primam sententiam, quæ erat quorundam Doctorum, qui damnabant omnes tales Montes, in quibus aliquid ultra fortem à mutuariis acciperetur, sive pro stipendiis ministrorum, sive pro aliis oneribus, subiicit secundam his verbis: *Alijs vero pluribus Magistris ac Doctoribus contra afferentibus, & in multis Italiae gymnasij verbo & scripto conclamantibus, pro tanto bono tamq[ue] Reip[ublice] per necessario, modis ratione mutuabil petatur neque speretur: pro indemnitate tam corundem Montium, impensis videlicet ministrorum corundem, ac rerum omnium ad illorum necessariam conseruationem pertinentium (absque Montium huiusmodi lucro) idq[ue] moderatum & necessarium, ab his qui ex huiusmodi mutuo commodū suscipiunt, licet ultra fortem exigunt & capi posse nonnulli licet; cum Regula Iuris habeat, quod qui commendum sentit, onus quoque sentire debeat, presentim si Apostolica accedat autoritas.* Neque dici potest, hanc sententiam solum à Pontifice narrari & referri, non autem approbari; quia expresse Ponifex addit, quod Autores huius sententiae eam approbatam ostendunt à quinque Summis Pontificibus, & à sanctis viris publicè prædicatae & commendatae, eamque ipse à pietate & veritate commendat. Verba Pontificis sunt: *Quam quidem sententiam a felicis record. Paulo II. Sixto IV. Innoc. VIII. Alexan. VI. Julio II. Rom. Pontificibus predecessoribus nostris probatam, à sanctis quoque ac Deo deo uis & in magna ob sanctitatis opinionem estimatione habitis, & Evangelicae veritatis predicatoribus predicata am esse ostendunt.*

9

Secundo colligitur ex ipsa definitione, vbi repetuntur eadem verba: *Sacro approbante Concilio declaramus & definimus, Montes Pietatis antedictos, & autoritate Sedis Apostolice hactenus probatos & confirmatos, in quibus pro eorum impensis & indemnitate aliquid moderatum, ad solas ministrorum impensis, & aliarum rerum ad eorum conseruationem (ut presentur) pertinentium, pro eorum indemnitate dumtaxat, ultra fortem absque lucro corundem Montium recipitur, neque speciem malis preferre, nec peccandi incitium praetare, neque ullo pacto improbari, quin immo meritorum esse, &c.*

<sup>10</sup>  
Refutatur  
prima ex-  
positio.

Neque dici potest, per ministrorum impensas intelligi solum victimum ministrorum; per impensas aliarum rerum intelligi ea quæ necessaria sunt ad vestitum, & qua eò pertinent. Hæc exppositio non est probabilis; quia talis restrictio & vñus illarum vocum est insolitus: totum enim stipendium ministrorum vocatur *impense ministrorum*. neque

enim potest distingui stipendium pro victu, pro vestitu, pro lecto, pro medicamentis, &c. Deinde manifestum est, illa verba, & aliarum rerum ad eorum conseruationem (ut presentur) pertinentium, non posse intelligi de conseruatione ministrorum, sed necessariò intelligenda esse de conseruatione Montium. ministri enim fatis pro se conseruandis solliciti erunt; & si discedant, facile alij inuenientur; sed magna sollicitudo adhibenda vñ ipse Mons conseruetur, ne videlicet vel à furibus, vel ab igne, vel alio modo vastetur & pereat. Idem colligitur ex verbis illis *ut presentur*, antè enim nulla facta erat mentio conseruationis ministrorum, sed solius Montis, ut patet ex verbis secundæ sententiae suprà positis: item ex illis *pro illorum indemnitate dumtaxat*: quod non de indemnitate ministrorum, sed *Montium* intelligitur, ut manifestum est; tum ex secunda sententia, cuius verba hic repertuntur à Pontifice, tum ex illis verbis definitiis, *pro eorum impensis & indemnitate*: vbi *to eorum* referendum est ad *Montes*, nō ad *ministrorum*. Denique hæc res per se adeo videtur perlucia consideranti, ut superuacaneum sit eam conari probare. Solum opus est, ut cum iudicio verba ipsa legantur.

Ex his planè concludo, non videri dubitandum, quin sicut exigi potest à mutuariis (seruata debita proportione) quantum opus est ad integræ stipendia ministrorum; ita etiam exigi posse quantum opus est ad solutionem pensionum annuarum, quæ debetur ratione redditum, quibus conflata est pecunia; quæ omnia intelligo, supponendo, *quod alia ratione pecunia, que mutuo detur, haberi nequeat*: nec ministris alia ratione iusta stipendia possint persolui.

Ad primam rationem pro sententia contraria allaram respondeo, Nullo modo ex illa Bulla colligi, non posse quidquam accipi, nisi pro expensis ministrorum. Imò contrarium clare colligitur, ut ostensum est, nimis posse accipi quidquid necessarium est ad impensas earum rerum, quæ pertinent ad Montium conseruationem, & ut ipsi Montes seruentur indemnes.

Ad primam confirm. Ostensum iam est, non agi ibi de conseruatione ministrorum, sed ipsorum Montium. & sensus est, posse accipi quantum necessarium est ad solas ministrorum impensas (id est ad sola stipendia debita) & ad impensas earum rerum quæ pertinent ad conseruationem Montium, eo dumtaxat fine, ut Montes seruentur indemnes, non ut lucrum captent: id enim significat paragraphus, *pro illorum indemnitate dumtaxat*.

Ad secundam confirm. Non fuit necesse utrumque repeteret: id enim vniusque est iudicium.

Ad secundam rationem. Sicut nemo sit dotor dum onerat se redditu (sic enim homines sunt pauperiores potius, quam ditoris, vnde nemo nisi coactus id facit): ita Mons per hoc non censetur fieri dotor, etiam si acerius pecunia crescat. Accedit, quod illa pecunia non accipiatur in communis alicuius priuati, sed in communis communis, quasi à gestore negotiorum. Vnde par est, ut à communis, nempe per eos qui huius communis sunt participes (seruata proportione debita) hoc onus feratur, iuxta Regulam Iuris: *Qui sentit communis, onus quoque sentire debet.*

Ad tertiam. Nulquam verat Ponifex instituit Montes Pietatis absque consensu vel approbatione Sedis Apostolicae, sed sub excommunicationis latæ

<sup>11</sup>  
Respons. ad  
rationem  
sententia  
aduersa.

13

<sup>14</sup>  
Ad secun-  
dam ratio-  
nem.

14

<sup>15</sup>  
Ad ter-  
tiam  
latæ

lata sententia poena vetat damnari eos Montes, qui auctoritate Sedis Apostolicae cum conditionibus & limitationibus in Bulla expressis probati & confirmati sunt; & definit, alias similes in posterum cum eiusdem Sedis approbatione erigi posse. Hinc autem nullo modo colligitur, alias similes vel dissimiles sine approbatione Sedis Apostolicae erigi non posse. Quae enim est ista collectio, Pontifex definit Montes Pietatis cum conditionibus predictis cum approbatione Sedis Apostolicae erigi posse; ergo sine illa approbatione erigi non pos-

sunt? Sicut si definiret, posse ubique tetrarum in Ecclesia instituti nota beneficia cum approbatione Sedis Apostolicae; non recte inde colligeretur, beneficia non posse institui sine eiusdem approbatione.

Nec obstat id expedire ad cautelam, ne sub nomine pietatis irrepant fraudes, quia non omne quod expediens est, præcipitur a Summo Pontifice: multa relinquunt iudicio & sapientia Prelatorum, qui si, consultis viris doctis, adhuc haerant, possint ad suam Sanctitatem recurrere.

## Q V A E S T I O S E C V N D A.

Vtrum Mons possit ita erigi, ut non solum id quod est necessarium ad stipendia ministrorum, & solutionem pensionum reddituum; sed etiam quod est necessarium ad instructionem domus, exigatur a mutuatariori.

**R**ESPONDEO breuiter affirmati-  
uè. Colligitur aperte ex Bulla &  
ex rationibus supra allatis. Bulla  
enim aperte concedit aliquid exi-  
gi pro expensis earum rerum qua  
necessaria ad Montis conservatio-  
nem, ut ostensum est. Atqui domus firma & certo  
modo aptata, est omnino necessaria ad Montis  
conservationem; ergo proilla aliquid exigi potest.  
Idem conuincit ratio. Nam sicut pro ministro-  
rum opera potest aliquid exigi a mutuariis, eò  
quod sine illa non possint percipere commodum  
ex Monte, ita etiam poterit exigi quod necessari-  
um pro instructione domus quia sine idonea domo  
non possunt percipere commodum ex Monte.  
Vtrobique sane eadem est ratio: vtrumque enim  
est tantum in commodum perentium mutuum:  
vnde cum ex domo commodum percipient, par est  
vt etiam eius onus sentiant.

**16** Dices: Si pro his omnibus aliquid exigi potest,  
nimur quantum opus est ut hæc omnia conser-  
uentur & extent; ergo non erit modicum, quod ab  
illis exigetur. Atqui Pontifex solum dicit posse  
modicum quid accipi. Respondeo: Pontifex non  
prohibet quin tantum possit accipi quantum ne-  
cessere est, vt Mons indemnus feruerit, etiam si id  
multum sit; sed loquitur definiendo & declaran-  
do, eos Montes esse instos & landabiles, in quibus ali-  
quid moderatum ad expensas ministrorum, & alia-  
rum rerum pertinentium ad conservationem illorum  
Montium accipitur. Hinc tamen nullo modo se-  
quitur, eos esse illicios, in quibus multum exi-  
gitur, quando expensa annua hoc exigitur. Imò ex  
verbis Bullæ aperte colligitur, esse licitum, exigere  
totum quod necessarium iudicatur ad Montis in-  
demnitatem: hoc enim totum, et si non sit modi-  
cum, censetur ramen moderatum, quod Pontifex  
tantum requirit. non enim dicit modicum, sed ali-  
quid moderatum posse accipi: quamuis etiam mo-  
dicum dici possit id respectu viuarum, quas vi-  
tariori publici exigere solent, qui 33. in centum, &  
quibusdam locis 42. accipiunt.

**17** Dices: Si ad has omnes expensas contribuere  
debent mutuarij; quo iure poterit domus ista  
vocari Mons Pietatis? Respondeo: Quia parata

est semper succurrere necessitatibus pauperum & Recidetur  
egentium pecunia, in quois euentu, mutuando Mons  
abfque ullo lucro, quod vi & ratione mutationis  
sit percipiendum: mutuare autem egentibus, est  
etiam si quis pacificatur de expensis, exigat id  
opus pietatis, etiam si quis pacificatur de expensis, quod nece-  
quas in hunc finem facit. Accedit, quod Mons ille arum ad  
totus in solum hunc finem sit institutus: itaque indemnita-  
cium finis ipsius sit opus pietatis, merito dicitur  
Mons Pietatis.

Ex his patet, a mutuariis exigi posse, quan-  
tum necesse est quotannis, vt domus firma & ido-  
nea habeatur: vt si domus constituerit, v.g. 32000.  
florenorum qui accepti sint ad censem, ratione  
cuius soluendi sint quotannis 2000. floreni ad ra-  
tam nummi 16. poterit auctarium supra sortem a  
mutuariis soluendum ita taxari, vt sufficiat ad  
annuam eorum solutionem.

Optandum tamen esset, vt domus huiusmodi sumpu publico totius communitatis institueren-  
tur, imposito aliquo modico vectigali cerevisia, vino, vel aliis rebus ad tempus, donec tantum pecunia colligatur, quantum requiritur ad tales domos adornandas. Si tamen hoc Principi non pro-  
betur, eò quod circumstantia temporum id non  
patiuntur, modus supradictus seruari poterit, quia  
non est illicitus.

## R E S P O N S I O

Ad replicationem eorum qui aliter  
sentient.

**E**T SI rationes supra à nobis allatae satis vi-  
deantur perspicuae & efficaces ad sententiam  
nostram stabilendam, non defuerunt tamen aliqui DD. qui in sua persistentes, conati sunt eas con-  
trario scripto enerare. Digestimus illud in ali-  
quot paragraphos, vt magis distincta & dilucida  
sit responso.

Priusquam tamen rem aggrediamur, ne cui for-  
te singulares in hac doctrina videamus, non erit  
abs re affere aliquot Auctores, qui aperte nobis-  
cum sentiunt: præfertim cum non definit, qui au-  
ctoritate DD. magis ducantur, quam momentis  
rationum.